

na caminda pa carnaval

Informacion:



**** Un bon comienzo di luna carnavalistanan. DIARIO por a compronde cu aunke awor nos ta drentando luna di Juli, pero e preparacionnan pa carnaval 60 ta bi-ento en popa. Faltando 7 luna ya caba tin hopi trabaonan y preparacionnan andando. Aki ta sigui algun informacion pa e luna aki.

REGISTRACION DI META SOCIAL CLUB

Informacionnan cu nos a ricibi ta entre otro cu e grupo di Meta Fit ta all the way den carnaval 60. Nan a tene varios conferencia caba camindanan a trece dilanti tur nan ideanan, plannan, gruponan etc. padilanti. Meta Social club lo ta join5 parada di carnaval esta fakkel cu e tema "Happy Bacardi bats", Lighting Parade y parada di luz cu "Color Ex-



plotion" y e dos paradanan grandi di S.N. y Playa cu e tema "Metacorp, di nos e ta!". Enconecion cu esaki ya inscripcion a cuminsa y alavez nan kier anuncia cu e inscripcion ta sigui Diaranson awor dia 3 juli, 2013 di 5:30 PM - 8:00 PM y Diasabra 6 juli, 2013 di 11:00 AM - 5:00 PM. Por pasa busca informacion y inscribi na nan location na The Kites Play Room dilanti di The Cinemas na Renaissance Marketplace.

Nan lo ta habri tur promer Diaranzon y e Diasabra siguiente di tur Luna te cu November, 2013. Despues di esaki nan oficina lo cuminsa habri cu mas regularidad. Bisa bo famia y amistades pa cuminsa registra trempa-

ja cu lugarnan ta limita. Tin plan di pago pa empleadonan di Meta Corp y tambe pa participantenan cu no ta traha cu Meta Corp. Adhunto algun di e schetsnan di trahenan.

TOB GROUP MARTINI NITE TABATA TREMENDO

Di otro banda nos a haya di TOB tambe cu a caba di tene nan TOB Martini Nite Diabierna ultimo na Sand Bar. Esaki ta un di nan fiestanan pa asinanan recauda fondo pa e grupo. Por a compronde cu e fiesta tabata sold out y tur presente a keda masha encantado mes di e dushi ambiente y musica cu tabata tin.

FESTIVAL DI TUMBERITO 2014

** Pa loque ta traha e festival di tumberito ya caba



e comision a sinta hunto pa asina haci e preparacionnan pa e actividad aki. Pa Tumberito 2014 lo por participa solamente 15 cantante pa e seccion di infantil y 15 participante pa e seccion hubenil. E banda musical cu lo acompaña e participantenan lo ta bao encargo di maestro Raul Piar. Inscricion ta cera dia 11 - 11 - 2013. Asina ta e hobenan cu ta interesa pa participa mester inscribi for di awor pa nan no keda afor. Pa esnan cu kier inscribi por yama e crew di festival tumberito na 5625414.

Awe lo introduci VIP. Diamanta

Tur aña SAC su eleccionnan di reina ta conta cu un cantidad di amantenan cu semper ta busca nan ticketnan pa nan por ta sinta den e seccion VIP pa asina no perde nada di e



tremendo eleccionnan. Tambe no por keda afo e fanaticadanan di cada candidata cu aña tras di aña ta cumpra nan ticket VIP pa asina nan por ta mas cerca di nan respectivo candidata. SAC su comision di reina despues di e ricibi varios petitionnan pa ticketnan VIP a traha hunto cu SAC pa un campaña di promocion pa asina cada un cu ta desea pa haya su entrada VIP por cumpra esaki for di juli na un prijs special. E prijsnan lo ta asina special cu ta un cantidad di 400 ticket so lo por cumpra adelanta.

Normalmente si un persona cumpra su ticketnan VIP separa pa e eleccion di Reina infantil, hubenil, grandi y señora carnaval lo a paga e suma total di AWG. 115,00

SAC lo ta bay tin den e luna di juli CARNET VIP CELEBRACION DI DIAMANTA pa asina conmemora e di 60 carnaval di Aruba. E siguiente specialnan riba e carnetnan VIP pa eleccionnan di reina ta duna e doño di e carnet su acceso pa tur 4 eleccionnan di Reina.

Publico mester tene bon na cuenta cu lo no por yama y reserva pa bo ticket, pues si bo kier probecha di e oferta aki bo mester pasa personalmente na oficina di SAC y cumpra bo ticket. Pesey cuminsa pensa si bo kier ta VIP den eleccionnan di reina pa carnaval nr 60 ata aki bo oportunidad pa haci uzo di e oferta special aki.

ELECCIONNAN DI REINA

SAC ya caba a cuminsa ricibi inscripcionnan pa loke ta eleccionnan di reina pa e celebracion di Aruba su Carnaval nr 60. Tin candidata pa reina hubenil y grandi inscribi, tambe lo ta bay tin dia 14 di juli e coronacion di e canditanan cu lo ta bay representa e dushi distrito di San Nicolas. Manera

ya caba a wordo anuncia, cu pa 2014 tur eleccionnan di Reina lo tuma luga individualmente. Pues cada eleccion lo tin nan fecha pa asina duna e oportunidad pa Aruba y mundo completo por dis-



fruta di cada nochi di eleccion cual ta premira di ta bay ta shownan tremendo y espectacular riba nan mes. Por a compronde cu Oranjestad su candidata ta e prome cu a inscribi y ya caba e ta trahando cu su team pa e eleccion final. Sta. Cruz tambe lo bay conta cu su eleccion pa eligi su reina infantil, juvenil y grandi. Dia 14 di Juli e grupo di carnaval Little Groovers lo tin nan mesun eleccion di reina den Centro di Barrio Lago Heights pa eligi nan reina.

Te otro luna cu mas informacion.

Pa esnan cu kier manda nan email mande libremente na espectaculo@diario.aw

Bo a haci bo contribucion anual caba?

Yuda Cruz Cora, Yuda Aruba!

Cruz Cora + Aruba

Aruba Bank # 14.15.629